

Aux Lecteurs de ce Livre

Si l'on voit la Remarque chère

LE REVEIL**DE****MAISTRE GVILLAVME,****AVX****Bruits de ce Temps.***Pour pânoter le soucy,**Faut lire ce livre icy.***1614**

(Plus Gaillet due Samain)

Aux Lecteurs desgouster.

Si l'on voit la Rime estre chiche,
Et la Prose n'estre bien riche,
Nul ne les veut voir, n'e(couter:
Il faut donc ; ainsi qu'il me sen ble,
Donner & l'un & l'autre ensemble,
Afin de chacun contenter.

La cause du réueil de Maistre Guillaume:

Les Sçauans ne Satyrent plus
L'and à present : donc au surplus
Il ne faut pas qu'on s'esmerueille
Si l'on voit après plusieurs ans,
Que Maistre Guillaume en ce temps
Au lieu d'eux sa plume resueille.

(Plus Gaillard que Saturnite.)

LE RESVEIL DE maistre Guillaume

HOlà ho ! qui est la mes gents , mon monde,
debout, suspié, qu'on se leue de la lumiere
de la chandelle ou quelque lampe bachique,
pour esclaire la chambre de mon entendement:
parlez à moy soudainement , & me respondes
pertinemment ? que faict on ? que dict on ? quel
bruiet , & nouveau cry entens-je en ceste ruës,
en bonne da maistre, nous n'en sçauons rien, nos
oreilles n'en sçauent non plus que les vostres. Hé!
d'où vient donc ceste nouveauté, venuë en vne
nuict comme vn champignon encore ne dure
il pas tant que cecy : car depuis quelque mois ie
n'oy autre chose cajoller, bruire , & bourdonner
qu'un M. G. qui va , qui vient, qui est mort ,
& reuit. Bref qui faict tout & merueille : mais
vn seul point bataille, escarmouche, & bouleuerse,
ma fantasie, sçauoir est; quel il est, d'où il est, & où
il faict sa demeure particuliere : ie croy qu'il n'en
à point , & qu'il se loge à present par tout , & en
toutes ceruelles, tant il s'est acquis de credit &
bien-veillance en chacun : toutesfois ce qui me
consolle, & cõtente, c'est qu'il ne sert que de rizée
à tous, comme à moy de resueil-matin, ainsi qu'il
à faict ce iourd'huy par la clameur de sa deffence,
sous la faueur d'un discours faict & forgé à plai-
sir, afin de fanir & embyairer la reputation de M.
G. par l'esclozytion & naissance de la sienne : mais

ie m'oppose au premier chef de ses pretétions, & pour reплика ie d'iray, qu'il à beau trotter ou poster auant que l'attrapper, & bien qu'à son arriuée il ayt fait détailler, & courir au grand galop, Trotemenu, & du tout soüillé & flestry, vous me la gasté de la tant baiser. Ce n'est pas à dire pourtant que son renom (tantost en sauate) débusque effrontément cekuy de M. G. qui se repose à l'abry de son aage, & de ses trauaux passez, suiuant le dire du prouerbe, apres trauail repos, & d'ailleurs comme vne cheuille chasse l'autre, & comme vne vieille souche rajeunit en son surjon, ou comme vn Phoenix se r'anime en sa cendre: ie r'auiuera la foible vigueur de M. G. & luy feray voir clairement, & entendre aysément, s'il ne contro-faict le sour des yeux, & l'auueugle des oreilles, que le saye de M. G. à plus eu de bon racueil, & de bonadiéz en tous lieux, que n'aura jamais son parement Esopien, fait en forme de bissac, ou besasse, tesmoings les beaux petits colibets & couplets à la douzaine que ces rimeurs à la grosse, font de luy sans repos à tout propos. Or puis que ie ne le cognois, non plus que les autres, & qu'il ne sert à ce que i'entends que de concert & passe-temps aux petits musiciens à simple norre, ie veux toutesfois parler à luy par escrit, ne le pouuant autrement (puis qu'il est inuisible ou incognu, & luy faire paroistre & cognoistre avec equité & verité que mes paroles sont suiuiés d'effects, & que ma prose rimée verifie mon dire: & comme vn fils de pescheur, que ie tiens cela de ligne, & qui plus est, que ie suis en ce cas

tous-jours Maistre Guillaume, qu'aucun ne doit iustement porter le sayon que moy: & que tant que ie viuray, tousiours ie seray mon baston de vieillesse: qu'on se garde donc de trop pres m'approcher, pour le contraire me reprocher, pource que ie pourrois battre celuy qui debattre me voudroict ce droict: Hé! qui nous a amené ce gallefretier? ce goffretier? & croquelardon de Gueridon, & ce lacquemard que l'on represente s'y habille & braguard en ce beau discours fantasianré & apostépour faire fendre les mousches, & voltiger les pierres de rire? & pour resueiller gradymars, & ses sujets, & autres qui sont tous à huris (pour parler en bon Gasçon) des mutations & reuolutiōs des planets ou planettes, & astres de ceste année, qui ne doiuent estre non plus estonnantes que les precedentes, sinon que les heratiques font leur mention & fonction des corps inferieurs qui se veulent trop esleuer en science, sans cognoissance des vers suiuians: qui disent que:

*Dieu seul à la prescience,
De cognoistre l'aduenir:
L'homme est plein d'insipience,
Qui pretend y paruenir.*

Les vrayes predictions, ou plustost reuolutions n'appartiennent qu'aux vrayz Prophetes, & amis de Dieu, comme l'escriture sainte l'enseigne, & nō d'autre maniere, n'en desplaise aux cēturies de Nostra-damus, quine sōt apparues qu'apres la desplorabile Ecclipsse de nostre admirable Soleil Gaulois, qui rauiuoit si doucement & pacifiquement

les corps de nostre horison. Et c'est grãd cas (comme disent les bons drolles) que la plus grand part de ses scientifiques ne deuinent les festes qu'apres estre passées, & n'enfâtent la conception de leur pronostiques qu'au foyer, & à l'âtre, ou à l'ombre d'une bouteille. Qui peut sçauoir le futur ou qui peut crocheter la serrure du secret cabinet de Dieu? (pardonnez à ma Satyre s'y elle parle si priuement) les Anges les plus subtils qui le ioignent ne le peuuent seulement, quoy qu'ils soyent au dessus des astres dont luy seul est le conducteur, & qui seul les sçait aduancer & retarder; comme sa parole le desmonstre dans les pages sacrées, & ce pendant vn Droguemar, vn soy disant ou pretendant l'vnique en speculation Astronomique, veut s'efforcer par ses pronostiquations fantastiques, & par l'espouuantatiõ de ses chimeres imaginations troubler la feste du bõ pere Baccus, & des iours carisme prenẽtalemẽt festinez d'an; en an. Il ne suffit pas si le sieur mardy gras fut dernieremẽt assez triste & marrissõné de l'espouuãteuse alarme qu'õ donna lors à tous ses officiers & subiects, qui ne fut causée que pour les reserrer en leur deuoir mesnagerement; & de ne tout boire en vn iour, pour euitier vne vineuse disette. Que ne disent ils, & declarent, ou descriuent purement & simplement, ce qui se touche & voit au doit, & à l'œil tant seulement, sans vouloir atteindre & grimper à l'innaccessibilité de ces impenetrables lieux, par des pensées aueugles & estupidés. Ils en feroient bien à croire au petit peuple, qui ne sçait qu'un peu lire, & aux simple creatures qui ne sçauent que simplement la lecture, ou vn peu plus

que le noir, le rouge, & le blanc, ou le claiet go-
giquement, ceux qui ont mediocrement leu, &
fuffifamment retenu (sans mettre les doctes en li-
gne de compte) s'arrestent communement à
dire de ces vers.

On croy plusloft ce que l'on voit,

Que non pas ce que l'on conçoit :

D'ailleurs le trop de ſçauoir tue,

Et d'Angle nous trans-forme en grue.

Qu'ils travaillēt dōc en leur art n'ayuemēt & dif-
cretēmēt, & que tels ſçauans ou ceux qui le cuidēt
eſtre, ne facent point vne methamorphoſe de leur
maifon en vne cage de pierre, d'où l'on ne ſort
ſouuent de neuf ou dix ans : ou diſant ceſte chan-
ſon, à Dieu brigade pour jamais : ou que ſortant de
leur eſtude, ils ne rentrent en vn l'abirynthe cruel
fruftez du ſecours & credit du fillet d'Ariadne.
Si ces beaux aſtologues vouloiēt, ils diroient bien
autrement qu'ils n'eſcriuent, teſmoing vn certain
auteur moderne & eſtranger qui diēt dans cer-
tains eſcrits qu'il a faiēt ſur la perte du temps & le
regret des eſtudes qu'il a faiēt en ceſte trompeuſe
ſcience (qui rauit les eſprits enyurez de telle cu-
rioſité, iuſques au Ciel de la Lune, pour la courti-
ſer de près, & en retirer des faueurs & courtoifies
tout autres que celles du berger Latinien) n'en a-
uoir recueilly, pour recompence qu'un triſte deſ-
plaiſir, & vn travail ſans fruiēt, & la raiſon eſt
(comme ie croy) pour ce qu'il y procedoit plus par
nature que par artifice : & quand meſme il y euſt
operé autrement & obſcurement, encore n'eufſt il
peu paruenir à la parfaite cognoiſſance des ſuccez

futurs, & secrets incognus qui doiuent aduenir, d'autant que ces petits Naigres qui habitent en la regiõ cõtrique & autres lieux d'entre nous, & les Antipodes, en ignorent la notion & le pouuoir de le sçauoir, voire encore plus que les hommes qui par le ministere des Anges (vrais nonces du tout Puissant) en peuuent auoir l'intelligence, comme il aduint au bon Ioseph; Espoux de la Vierge, entẽds qu'ils soient dignes de telles graces. Car ces Ethiopiens & Moreaux sousterrains ne peuuent cognoistre ce qui doit arriuer ny en iuger assurẽment, sinon par ce qu'ils voyent & cognoissent se preparer & commencer: mais auant l'accomplissement de la chose. Ne peut-il pas aduenir du diuertissement ou changement, comme le Prophete Ionas (tesmoing Irecusable) nous l'asseure en la retention de la subuersion de Niuiues, & aussi plusieurs autres exemples qui pourroient seruir à ce propos: mais vne bonne & valable suffit, & n'estoit qu'il n'est pas loisible & seant aux petits & estroits de parler hautemẽt & largement, ie m'estendrois d'auantage sur ceste matiere pour faire voir la claire nudité d'un sujet couuert de tant d'obscures piperies pour estonner les peureux & craintifs, qui par vne forte apprehension tombent plustost en maladie, & delà au cercueil, que par la cause maligne de leur influence, & d'une rigueur Astreuse. Et d'auantage si mon insuffisance ne m'empeschoit de parler ouuertement, ie dirois sans ambition avec monsieur Desportes, ie voudrois estre Roy pour faire vne ordonnance que chacun d'eust la nuiet au logis se tenir, sans s'amuser à contempler

pler les astres pour n'y rien apprendre que des sor-
nettes, & n'en raconter que des comptes de vieil-
les pour servir de pâuot, & d'endormy à ceux qui
ne peuuent sommeiller, oüy: mais (me dira quel-
que hupé d'entr'eux à la barbe allongee, & à la
moustache eccessive) il faut que nous predi-
fions, & nous faut predire, puis qu'on nous de-
mande des predictions, ou bien nos Almanachs, de-
meureront sans debit, & par consequent nos la-
beurs sans profit & nos trauaux sans loyer. A cela
ie rediray (comme le supost de ce beau Gueridon,
qui ne guery rien) que toute peine requiert salaire,
& qu'il faut que chacun viue de son trauail pour-
ueu que le labeur soit bon, receuable & vtile, libre
& franc de toute falcité fraude & desguisement,
& qu'on y voye clair à minuiet comme à midy, &
non pas faire comme ce bel astronomeur qui
pour acquerir vne longue renommée ne gaigna
qu'une courte vie: car ayant Philosophé sur l'Ho-
roscope, & constellation de la n'aissance d'un cer-
tain Roy, & l'auoir aduertie autant estourdiment
qu'ignoramment de sa breue, & prompte mort, le
mesme Roy luy demandant l'Estat, & durée de sa
vie: luy dict estre bien esloignée de son terme alors
pour luy monstret appertement sa temerité &
mensonge, il le fit (tout soudain) mettre au cro-
chet de peur des chats, ou l'enuoya faire (comme
on dict) le basteleur en ce pays, d'où nul n'en re-
uient botté: Ainsi petit on voir comme il en prend
à ceux qui en pareille occasion se veullent farcir de
gloire trop audacieusement: mais s'ils estoient au-
cunement prudents & aduisez, ils auroient esgard

à la mal-heureuse cheute d'Icare, qui voulut voler trop outrecuidément, afin qu'au modèle, & patron de son dommage, ils se rendissent sages comme ces vers cy-dessous chantent.

*Icare causa sa ruine,
Pour sa grande temerité :
Aussi fait l'ame qui s'obstine,
En trop de curiosité.*

Je leur conseillerois plustost de se maintenir en l'estat moyen comme dit le sieur de Pybrac, & non chercher l'extreme, & se tenir à recoy aux plages tempérées, sans vouloir aspirer & monter temerairement aux torides & ardantes, voutez pour ne risquer quelque danger sinistre, ou arrest sans appel : mais il faut des almanachs, (me repliqueront ils) qui disent quelque chose de releué, d'estranges & extraordinaire : puis que cela donne lustre à nostre credit, & autorise la vante de nos predictions. C'est à ceste sauce qu'on mange ce poisson. Je m'en doute & le croy aussi : mais le menu peuple en a il à faire (ce dirai-je) & leur est il profitable & avantageux de sçavoir tant de menasses constellatiues, qui n'engendrent à la fin qu'un regret de les auoir veuës & leuës, par l'effroy qu'ils en ressentent, encor que le plus souuent rien de tout cela n'arriue (Dieu mercy) & ont mesme aussi peur de lire & entendre tant de mots sauua-ges & barbares à leur cōmun patois cōme sont les cy apres, sçavoir est Trigones, Exagones, & Stetragones Radiations, Centriques, Consentriques, & Exantriques, Quadrat, & Diametral, Zenit & N'adir, Zones, & Plages, Horoscope, Finiteur Hori-

son Hemisphere, Cōstellation, Planettes, Influences,
 & beaucoup d'autres qui tous en blot les font
 tressaillir & palir d'apprehension sur le doute qu'ils
 ont que cē soyent mots tirez d'un grimoire, ou de
 quelque autre liure propre à exconniuer & con-
 iurer; aussi achètent ils plus d'almanachs en fueil-
 le simples & intelligibles, que non pas en liures
 pleins d'espouuëtaux discours. Les doctes aussi, ne
 s'en soucient gueres, pource qu'ils sçauent cela sur
 le doit comme vn apprenty de musique sa game :
 à quoy seruent donc tant de mots obscurs, & tant
 de parolles estrangers, & sans vsage, en termes fa-
 miliers? il vaut mieux lire ce qui sert, & s'entend,
 que ce qui est sans profit, plaisir, ny intelligence:
 pensent-ils, ou croient-ils me surmonter, exceler
 & superlatifer en mots nouueaux, & par leurs pa-
 roles barbaresques ou antipodesques? Ceux cy ne
 valent ils pas bien les leurs, & pour parler à plaine
 gueulle, & mardigratalement, bachiquantale-
 ment, carefmeprenantale-ment, gorgifiquale-
 ment, bibe-ronale-ment, drolifiquement, gaillardotement, rail-
 lardeusemēt, gaudiceussement, plaisanteusement,
 & guillaumeusement. Hé ! bien ne sont ce pas la
 mots à mordre, & à rire, & pleurer de ioye & de
 contentement au lieu de trébler en les pronōçant
 comme des precedants? hô ! que cy est hô ! que cy
 faict, & de faict ie m'en rapporte à M. Pierre Du-
 puis, qui ne s'est iamais pleu aux estudes, & scien-
 ces si hautes que sont les Astronomiques, Sphéri-
 ques, & Speculatiues, sinō en peinture seulement,
 comme ie le vis dernièrement en la boutique d'un
 peintre représenté vis à vis vn instrument de c'est

art, qu'il ne d'aignoit regarder fixement tant l'environnage, & entre bouclage de ces cercles (passants, repassants & tranversans l'un dans l'autre, ou environ de ce que ie diray) l'estonnoient, esbahissoient, effarouchoient & desgoustoient d'y entendre & d'apprendre tant de tours, de destours, & sentiers esgarez qu'il y faut observer, ny de sçavoir que c'est de prime, seconde, tierce, quarte & quinte (si ce n'est de la sienne sans plus) ny mesmemēt de minutes, ou grosses, renvoyant cela aux clers de Notaires, qui liberalement, & par amourettes (sans prendre leur droict) aiment mieux grossoyer quelque compromis, conuenant ou quelque obligation de l'un portant l'autre, & quelque fois le bail ou bas seruice de leur bedondounes chambrières : aussi n'est-il que de s'amuser apratiquer la cognoissance des corps terrestres plustost que des celestes, pour le plaisir & passe-temps qu'il y a aux vns plus qu'aux autres. Sauf le mesprend qu'il faut faire pour euites les frais de l'opérateur en la multiplication du petit monde, & d'estre en la cōfrairie du pot au lait, sous la qualité de papa : mais il me semble que mon Astrologue argüe & contemple le train & l'esquart de mon chemin, & qu'il me veut faire rentrer en mes brisées sur les almenassans seulement, & qu'il faict bon aduertir les hommes de se tenir sur leurs gardes contre la menasse de toutes sortes de maladies, & plusieurs autres, afin de les euites. Voylà qui est bon, si faire ce pouuoit : mais parfois le meilleur mesnage de sancté est souuent plus malade que celuy qui vit rondement, & suiuant le cours du

temps. A quoy sert dōc ceste preuoyance d'acquerrir ce thresor de sancté, puis que les plus riches y sont autant ou plus sujets que les pauures, & les fors que les foibles, & les plus couuerts que les plus nuds: il n'y a que le Iouial, gaillard & ioyeux qui se porte le mieux, n'eust-il que cinq sols en bourse, s'il s'aime plus en ceste humeur & s'y plaist d'auantage, que l'auaricieux à mirer ses blonds doublons, ses Iacobus, & ses escus, & voyons ce qu'en disent ces vers, & s'ils confirment la profe.

*Le simple & gaillard Mercenaire,
Qui vit de son petit salaire,
Est bien mille fois plus heureux,
En c'est estat que n'est le riche,
Qui plus à, plus est triste & chiche,
Tant d'auoir il est desireux.*

Halte m'a plume arrestez vous vn peu, ie croy que i'entends mon Spheriqueux, qui me groigne de trop souuent faire largue en ma route: & qu'à tous coups ie tourne la truye au foin, & saute du coq à l'asne? Il est vray, & plus communement que du liēt à la table, si ce n'est pour escrire ou lire: Patience vn petit (s'il vous plaist,) si ie joue aux propos interrompus la mode du temps s'y accorde, & m'y porte: car au temps faut s'accommoder, vous auez raison maistre Guillaume (ce l'entends je dire) mais il n'est donc rien de plus precieux que la sancté, ny de plus cher, que la bonne disposition: puis qu'indifferement chacun la carresse & courtise, & partant il est besoing & necessaire d'aduertir toutes personnes de plustost preuenir, &

repousser le mal que l'attendre & receuoir. Le vous escoute , & semble qu'ayez vn peu de raison , & que dictes mieux qu'une fluste , & si n'estes pas si trouë : mais qui le sçait ou peu faire & adiouster aussi (comme dict la mesme verité) vne coudeë à sa stature, ne faut il pas que chacun porte sa Croix , puis que chacun a chaque iour quelque affliction , & qu'en general tout en a en proportion, & en quelque sorte que ce soit, fust-on plongé iusqu'à la gorge dans les plus douces voluptez. Les grands, mesmes ont tousiours de grandes affaires, & par consequent de grandifiques tintonnemens & importunantifiques pensemens, sans les aguets & espies qu'ils encourent iournellement tant la charge royale est aigre , quoy qu'enuiée plus à tort qu'à droict: mais ceux qui veulent y paruenir sans se soucier comment , ny par quel moyen, doiuent considerer en tel cas que par la porte qu'on y entre, par la mesme on en sort ordinairement hors de là, il vaut bien mieux estre bon & paisible souprieux que Monarque & plein de frayeur en despit de leur cheuance , bonbance & magnificence voyons pareillement si ces vers auront aussi bonne grace que les autres pour leur sujet.

Le septre ou bien le Diademe ;

Est vn honneur haut & suprême,

A qui le tient paisiblement :

Mais l'effroy de la creinte insigne,

Qu'on à en ceste charge digne,

En rany le contentement.

Encore ? & ne puissiez vous cesser, Hé ! quel espee d'homme estes vous ? me voulez vous touf-

siours faire languir & garder le mulot, petit en-
guilleminé, qui comme vne anguille ne faictes
que sautiller & vireuoter, quand on la veut spo-
lier & desfrober, ie vous prie de suiure droictement
le droict fil de vostre ligne droicte sans tant panta-
gonificantizer & biaiser vostre carriere, ie croy que
vous y prenez plaisir à me faire seruir de matiere
pour vous & les autres passeretemptiser, ou de papier
blanc pour y représenter longitudinairement &
l'atitudinairement vos fantasies dianificantisees :
coupez court vos dicts longs, & me depeschez, car
ie suis pressé d'affaire, ie n'ay pas besoing de tant
attendre, ny tarder : puis que nous n'auançons
point besongne ? congediez moy vn peu, pour ras-
soir le trouble de mon imaginatiue, & rechauffer
à droict poil la chauffe de mō intellectuue chauffée
de trauers ? ha ! ha ! ho ! hé ! & qu'est-ce-cy ? ou
suis-je ? comment suis-je ? ou que fais-je ? ie ne sçay
quasi, tant mon astroligiste me berce, & en dort de
ces beaux mots, ie croy qu'il veut pauotiser ou mu-
lotiser (par son petit flageol mercuraliste) mes ar-
gusistes oricules. Ma yo vo dico, que ie ne suis
pas oy, que de moy ce n'est pas ce que vous pen-
sez, & qu'on ne prend pas de tels oyseaux que
moy au pipeau. Cependant vous estes bien hasté à
vous ouyr & bien eschauffé à vous voir, vous: auez
pourtant besoing d'estre vn peu doucement pour-
mené de peur des auies, ou voulez vous courir,
si tost, de grace & pour vostre profit, patientez en-
core auec moy vn peu moins qu'un petit demy
quart d'an. Non que ie desire que foyez demy car-
dan (pour parler par equiuoque) vous n'attein-

ayez iamais au second degré de ses altieres scienc-
 es, aussi ne vous le conseillé-je pas : car il y en a tât
 qui ont tant barbouillé, & noircy de papier sur ce
 sujet que le mestier n'en vaut plus rien, par ce
 qu'on ne si amuse que par maniere de passe-temps
 pour les mots (adormir debout) qu'on y trouue
 & rencontre, & pour dire qu'ils en sçauent quel-
 que chose tant seulement : mais de pronostiquer
 sur les futures aduantures & sur les euenements
 aduenir, retirons nostre espingle de ce ieu là, &
 ioüions à vn autre moins dangereux, il vaut mieux
 faire des chansons de Gueridon, puis qu'on en-
 coffre les pipeurs en tels jeux dans vn bahut fabri-
 qué par tailleurs de pierres, aussi bien que leur
 adherâts lesquels apres l'escarmotage, & la ruzé
 de leurs fineses descouuertes se jettent le chat aux
 iambes les vns aux autres, ou bien joüent au ra-
 peau ou a boutte hors, & d'ordinaire à l'esbaly:
 mais le plus souuent trop tard. Il est bien meilleur
 de predire pour soy & preuenir son malheur par
 charité raisonnable, que pronostiquer pour les
 autres, & les aduertir de leur affaire, & d'un gar-
 de toy trompeur & faux, afin d'attraper la piece,
 ou quelque renom de peu de durée: Il ne faict pas
 bon se frotter rudement contre l'espaule des
 grands, ny les penser amadoüer, ou plustost char-
 lataner par telles charitez qui retournent tou-
 siours à la confusiõ de tels operateurs L'accointã-
 ce des grands est souuent esfois (en telles occuren-
 ces) plus onereuse qu'aduantageuse, & comme
 disent les doctes, les grands ressemblēt aux bissons
 ardans de tous costez, on ne sçait par quel bout
 les

les prédre pour en pratiquer le credit & suport, tât leur faueur est douteuse : en cas d'importance, & particulièrement, sur ce qui touche le point de leurs vie, & l'heure de leur mort, que Dieu seul cognoist, & de tous sans exception. Passons outre, & ne nous arrestons point à ce point, ie vay vous expedier promptement, pour donner à vostre impatience quelque soulagement, ie n'ay plus que deux ou trois voyes de paroles à vous dire, si ie ne ments de la moitié, pource que tout homme est menteur, le Royal Harpeur le chante ainsi : vous autres Messieurs, qui n'ignorez de rien, & qui sçavez cela par cœur, vous n'avez garde de corriger ce verset là, non plus que Magnificat à Matine: car vous feriez tort à vous mesme, & à vos fonctions sujettes à ceste reigle, & à vos operations, sublimement Astronomeuses: mais beaucoup de gents sont plus mœurs par ruze & malice, que par ignorance, ou simplicité, & c'est pourquoy, la plus saine & grande partie de tous les hommes, sçauent bien ce qu'ils font, ce qu'ils doiuent faire, & ce qu'ils ne doiuent pas (note de franc arbitre) si les corps superieurs & Planetiquaire, ont puissance & commandement sur les inferieurs, il ne s'ensuit pas qu'ils dominant & fassent leur demeure ordinaire (avec tout pouuoir) au domicile de l'esprit, & dans l'estuit de l'intellectiue, pour maistriser nostre volonté, & estre cause de nos folies ou discretions, & de nos bien faicts ou malefices, il y auroit de l'erreur en telle computatiõ, & en ce cas, les Heresiarches seroient tous Astrologues: mais les vraye Chrestiens n'aloürent pas cest article là, ils

ont trop de bonnes preuues & raisons pour la con-
 tester, & trop de bons & suffisans tesmoins (tant
 naturels que Theologiste) pour l'aneantir, & com-
 bien que les premiers mouuemens ne soient quasi
 point en nostre puissance, cela procede plustost
 d'une mauuaise habitude que d'une spirituelle sub-
 jectiō, & qu'ainſi ne ſoit, n'ëroit on - pas qui ayāt
 mené vne vie deſreiglée, & deſbauchée en tout,
 en font ſouuent apres vne toute contraire, il eſt
 bien vray que le ſang & les ſens eſtans eſmeus par
 quelque outrage receu, taſchent de ſi oppoſer le
 plus qu'ils peuuent : mais telles actions ou reſſen-
 timens s'entent plustost la brute que l'animal rai-
 ſonnable : ou l'homme vertueux, qui eſt imbu
 d'un eſprit, qui ſçait dicerner le bien d'entre le
 mal, & l'equité d'avec l'iniuſtice : auſſi la gloire, &
 magnanimité d'un grand, conſiſte plus a pardon-
 ner, ſe pouuant venger, qu'a nuire & ofiencer, le
 d'eut-il, & ayant pouuoir de le faire : mais bien
 ſouuent le torrent de la iuſtice (par ſa rapidité &
 violence entraine avec ſoy le d'on de grace, & de
 miſericorde, quand les officiers d'icelle ſont ſaiſis
 d'une affaire qui importe expreſſément, & qui tou-
 che l'intereſt particuliere de celuy qui gouuerne
 le general, comme de la perſonne des Roys, &
 Souuerains, tout de meſme en eſt-il (pour parler
 en Aſtronomie, & qu'a eux nous parlons en ce
 qu'ils ſ'emancipent au delà l'eſtendue de leur in-
 telligence, & veuë autrement non) de l'eſſect du
 premier mobile, qui par l'effort, & mouuoir de
 ſon branlle n'eut, & emporte tous les autres, auſſi
 la iuſtice eſt le Bras droict du Roy, la conſeruacion

de son Estat, le Pâtois, & Bouclier de son Sceptre, la tutrice, & manutention de la Paix; la crainte & terreur des mauuais, la ioye & suport des bons, & bref, la cause du repos d'un chacun; hormis de ceux qui comme certains Poissons ne s'aiment qu'en eau trouble, & ne veulent viure que dans le boubier de la guerre, à propos de la guerre, & des armes, traitons en un peu, & de ceux aussi qui n'affectent, hument, & succent, que l'air des assaux, alarmes, turies, & occisions, sans faire recit des violement, forcement, pillages, fourages, & brigandages, qui s'exercent en ces Balets Marciaux, & d'ances Belonniques, ou d'ordinaire, y a plus de désordre, & decadence que de mesure bien gardée, faute de bien iouer son personnage, & tenir son rang prudemment: Mais quoy! tout est fauteur aussi bien que menteur, & d'ailleurs Dieu donne la victoire selon le merite, & enuoye la guerre selon l'offence, comme le dict autant veritablement que doctement ce braue Capitaine Anglois, lors que luy & ses Patriotes, furent chassés par le sort de la guerre de France en Angleterre, sous le regne du Roy Charles VII. d'heureuse memoire. Viue donc la Paix; de par Dieu, & ne puissions nous iamais voir les armes, qu'au ratellier, ny nous en seruir que pour parade, les maniere que pour les d'esfrouiller. Ne tirer coup d'Harquebuse qu'au Gibier, & à la Venaïson, ou aux Bustes sans plus, & quiconque les ayme pour troubler les nopces de la Paix, ainsi que ceste diablelle discorde fit celle de la ieune Thetis, apprene, & retienne ces vers.

La guerre est si mal-l'heureuse,

Si cruelle, aspre, & affrueuse,
 Qu'il n'est plus pire tourment:
 Le feu la flame, & l'outrage,
 Le sang, l'horreur, & la rage,
 Si voyent communément.

Ce sont bien d'autres festes que celles de villages, & d'autres liurées que bleues, vertes, ou oranges, les couleurs en sont d'ordinaire rouges, & incarnades, & plus naturelles qu'artificielles. Mais ie pense ouyr encor mon Astronomiste grommeler, & me presser d'affaire & d'expeditiō. Hè! comment, Maistre Guillaume, voulez vous plustost me lasser de vous entendre, que vous ennuyer de discourir? ie croy que vous en auez tantost assez dit, pour accōplir vostre promesse, sans tant me tenir le bec en l'eau, vous faictes en vostre ascendant des retrogades trop excessiues, puis qu'au lieu d'auancer d'un degré vous en descendez quatre, & prenez plaisir extrêmement, à faire des parentezes, grādissimemēt periodees: minutez donc vn peu vostre conclusion, ou me dōnez quelque tréue, pour mettre ordre à mes affaires, car vous m'esmouuez aucunement: & ne scay si Demosthene, & vous n'est qu'un, & vne mesme chose; ou entiron, tant vous m'esbranlez à vous croire parvos suasions, quasi persuasiues, & oserois dire de vous (sans flatterie) ce quatrain:

*Ie suis ores ambitienx
 Que ie n'ay autant d'oreilles
 Comme vn Argus auoit d'yeux,
 Pour entendre vos merueilles,*

Gardez de vous troubler, M. & aduisez à ce que vous dictes, ie croy que vostre Astronomuse, elo-

gance, & vostre Apollon Astrologant, prend logis maintenant en la loge Mercuriale, tant vostre eloquence, & vostre Muse est fluide, emphatique, & periphrasique : Mais ie crains que vos charitez l'éuangeliqueuses soient autant piponiques qu'apoloniques, & saupoudrees d'adulateuses, & amadoneuses courtoisies, pour arrester le cours de ma plume, & le fil de mon dessein : afin d'espargner la verité, vous contantant de ce que l'ay dit, sans m'eslargir d'auantage. Bien donc, puis que vostre desir suplicatif tend à cela, ie ne veux pas esconduire vostre mandiage : vous sçauuez demander trop gracieusement, pour estre refusé ingratement : ie m'en vay abreger seruice par quatre ou cinq pipes de mots : cependant s'il vous ennuye, amusez vous à chanter ou dormir, pour vaincre l'oïsiueté ; autrice de tous vices, ou bien composez quelque Almanach à simple forme, franc & libre de toutes ses friuolles prediçtions, qui indisposent les plus sains ; malgré la faueur de leur Horoscope, & opposition Planetiqueuse ; comme ie l'ay veu & cogneu depuis peu, clairement & palpablement, en autruy seulement, & non en moy ; graces à Dieu ; qui n'ay peur (comme vray François) fors que de la cheute du Ciel ; au rapport d'un ancien & genereux Francisquin, confirmant le dire de ceux qui disoient & disent, que la Gaule, n'est desbellée & ruynée que par elle mesme, marque de son inuincibilité par d'autre : mais il faut vn peu redresser mes erres, & descroüier mon homme que ie tiens en la capture de mon discours, trop long & trop aigre au gosier de ses oreilles, iugeant

à levoir qu'il est de l'humeur de ces personnes qui
n'ayment l'eloquente ambrosie qu'apres que le
moule de leur pourpoint est rond & bien rembour-
ré. Sus donc, acheuons ceste trace, & en cōmen-
çons d'autres, en cōtant quelques nouvelles nou-
ueutez gaillardifiques, pour faire creuer de rire,
& mourir de faim, si on ne disne deuant; comme
disent les enfans sans soucy, puisque aussi bien
cent liures de soucy ne vallēt pas vne once de saf-
fran: & qu'une gibeciere pleine d'ennuy n'acquit-
te pas vn double de debte. En fin donc (mon M.
Astré) puis donc que vous estes à demy esneu, &
quasi porté à quitter vos anciens desseins; & altu-
dinifiques sciences, ie vous conseille entierement
de les delaisser du tout, & ne point faire vostre e-
stude en si haut lieu, ny mesmes d'empestrer les
cordes de vos pretentions dans l'entre-lasseure de
ces cercles celiques, de peur de ny pouuoir tou-
cher, ny d'en attirer quelque lucre ou parfaicte
commodité: & comme vous sçauiez, il y a deux
festes infailibles en la semaine, qu'il faut festiner
gorgiallement, & qui n'a dequoy faire, le moyen
de rire, le ris est bon, mais faut qu'il ayt de la cō-
pagnie pour estre agreable & bien receu: & encor
que la quadragesime nous talonne ou plustost co-
stoye, & que le ris jaulne comme farine y soit de
requeste, le Careme ne dure pas tousiours, apres
la vigile la feste suit, ainsi que le Dimanche, & le
Samedy, & comme disent les bons goulus, la
chair nourry la chair: on a beau manger du ris, il
ne rend pas le museau si frais seul, que quand il est
assisté d'un bon gros & gras chappon du Mans, ou

de Loudun. C'est pourquoy M. & amy, tantost ie desire pour vostre bien & profit; cōme le mien propre (puis que le deuoir de charité naturelle & humaine, oblige, vn chacun de s'entre-conseiller & soulager l'un l'autre, tant en genre masculin que feminin) que vous quittiez tout a fait toutes ces prediCTIONS imaginationnées, toutes ces cognoissances, & oppérations planeticulees, comme folique, lunatique, Mercurisque, Impitique, Venerique, & sur tout le Saturnique, pource qu'elle est plus longue que tous les autres à faire l'integrité de son cours rechignard, dans les Cieux cerueliques, suivant le rapport de ces resueurs auteurs de l'antiquaillété: & mesmement que vous laissez aussi generalement la nation des effects & gouuernemens significaux, ou signifians sans sergens ny records: De ces signes conceus & enfantez dans le chaton du coffre de ces anciennes ceruelles, & donnez vous garde d'eslire vostre demeure es domiciles de ceux-cy; particulièrement comme du verseur d'eau, prenez plustost celui du vin, du Lyon pour sa fureur, & fierté: du Thauréau à cause de sa corne: du Cancre, à cause de sa cuisante morsure: du Scorpion, à cause de sa piqueure, du Sagitaire, à cause de ses traicts: des Gemeaux, à cause qu'ils sont deux, & partant plus fors qu'un: Pour le Mouton, & les Poissons; mais que tout soit bien cuit, rosty ou bouilly, il y aura moyen de s'accommoder avec eux, & d'en tirer du profit gorgial. Quand est de la Vierge, gardez de la gaster, ny d'effleur, sur peine de violence, en cas de refus & contredit: & d'estre surhaussé

d'une toise ou environ, pour voir de plus loing, & faire la mouë à chacun, nonobstant tous appeaux quelscōques: Et pour la Balance, gouvernez-vous y tousiours de mesure, loyaument & fidèlement comme vn bon marchand sans reproche, & sans auarice: sur peine spirituelle: à faute de ce faire; pource que telle offence est incogneuë au temporel, & sur ce fait, faisons chanter à nostre Muse quelque coupler.

L'offence qui de tous est venë,

Ou par bon tēsmoignage scenë,

Est chastiee appertement:

Mais celle qui du tout est tue

Et recellée, ou incogneuë

Est punie inuisiblement.

Hé! M. Guillaume, pensez à vostre promesse & à la teneur aussi, afin qu'à faute de ce, & que frustré d'icelle, vous ne commettiez vne offence qui vous ourdisse vne punition conforme, ou semblable à vostre dicton: Il ne faut pas reprendre pour faillir, ny accuser pour abuser: Je vous somme donc de vostre parolle de naguere, par laquelle m'avez promis de vider d'affaire, & de me faire dire en bref à Dieu, M. iusqu'au reuoir. Et cependant vos paroles, sont sans execution, & vos effects sans demonstration: N'estoit que j'attens la prononciation de vostre sentence; sans faire vn si long plaidoyé, ie vous eusse planté là pour reuerdir, & vous eusse quité là, aussi bien que ie veux faire mes pronostications, s'ils ne me veullēt pronostiquer quelque bonne fortune, soit d'un Estat de gentilhomme de 9. ou 10000. li. de rente ou de quelque

quelque benefice d'autant ou enuiron, mais i'en
desire pluſtoſt la ſucceſſion & jouiſſance, que l'o-
pinion où l'apparence, puis que le ſuccés des éſ-
perâces Horoſcopenſes, eſt plus doutable que veri-
table: Ha! da, courage, vous voila preſque con-
uertty, & ſi la reſolution ſuit le dire, vous le ferez
du tout: ſi vous faites auſſi ce que vous dites, biē
vous en prendra, avec vn bon aduiſ que ie vous
donneray (ou pour les voſtres ſ'il m'en ſouuient,
pour baſtir vne bonne fortune, & ſur plus d'aſſeu-
rance que ſur le fondement de vos influences, leſ-
quelles ſont toutes trompeuſes & auſſi incertai-
nes que muables & tournoyantes, & n'eſtoit ce-
ſte variable mutabilité & mouuement inconstant,
ie me laiſſerois perſuader à ce q̄ ce ſixain va dire:

*La belle & haute ſcience
De l'aſtreuſe prenoyance
Me ſaiſi quaſi le cœur,
Et n'eſtoit ſa piperie
Qui la rend ors ſeſtrie
Ie ſerois Aſtologueur.*

Vertu-goy, M. Guillaume, vous frappez bien
viuement pour voſtre aage: vos coups touchent
iuſtement, iuſqu'au mitan du milieu du centré du
cœur de l'affaire, vous ne donnez pas du plat vray-
ment, mais de la pointe ſubtilement, & me me ſi
aſprement que telles picqueures font perdre cou-
rage aux plus courageux, & ardants de combattre,
& de battre iuſqu'au mourir, la deſſence de ceſte
hautaine ſcience: mais de par Dieu enuoyez moy,
& pour ma foire, ou eſtrennes, donnez moy d'vn
alloyau à deſ-jeuné, ou d'vn allezvous en, c'eſt fait

vous estes traicté, pensé, fiotté, & estrillé, & n'auez plus que faire icy, vostre procez est vuidé, & sans despens depart, & d'autre, fors ce que l'on aura frayé & desboursé, pour la poursuite & contestation de la vie, & delà viotte qui se payeront par moitié attendu la matiere, & la cause du cas: ou bien que iaille tenir compagnie à Gueridon, en ses beaux petits voyages. C'est bien dict ie le veux, c'est la raison, ie l'entends ainsi, & vous l'accorde aussi cordialemēt, amiablement, & affectionnemēt: ie vay rēdre les derniers aboys du trespas de ce differend, & en former d'autres, d'autres stoffe: car le changemēt dōne contentemēt. Est-ce pas bien dict? ouy, faictes le donc, & à despescher, soyez prompt, la trop longue attention faict perdre l'affection, de chose trel-desirée, comme ceste-cy est de moy: hastez vous donc, ie vous en reprie de rechef, & d'abondant sans continuer vos exploits, & prolixtes procez verbaux de l'art Horoscopaute. Cà i'y vais, celà vaut faict, me voylà ja sur les bornes l'inite ou liziere de la piece? au bout de l'aune faut le drap: mais ie ne puis presque trouuer la fin de ceste-cy, n'y trouuant que des circonférences infinies, qui ne font que tourner sans cesse, tant ie me suis endedälé, & quasi esgaré dans ce l'abirynthe Astrologifique, si en faut il sortir. Puis que ie suis si pres de l'issüé? A quoy tient il donc que vous ne vous diligentiez d'auantage, sans me faire icy decrepiter, aux escoutes de vostre definition, & de ce qu'il faut que ie face pour ramasser quelque chappe cheutte, ou attrapper quelque lieure gouteux, en ioüant aux barres, ou

à la crosse, pèdant ceste quenë Hiuernalle? Or sus, ou or çà, n'importe l'un vaut bië l'autre, me voylà tout prest pour contenter vostre souhait, quel est-il? quel il est, estes vous encore sur ces demandes là, ce n'est pas pour acheuer que commencer? Ha! Monsieur, ie m'en souuient: mais l'aïssez moy vn peu prendre halaine, & le droiët chemin de mes intentions, ie n'ay plus que deux ou trois silabes à dire, entremeslées de mots succins ou enuirō. C'est que ie vous veux aduertir, de ne point quitter la piste des licites estudes & honnestes sciences: mais de l'aïsser ce qui est superflus pipeur, & preiudiciable pour soy, & pour autry. Et plustost entreprendre & poursuiure ce qui est bon & vtile, loüable & profitable. Et si on ne peut moudre en vn Moulin, qu'on voïse en l'autre: car tous les hommes ne sont pas de l'Isle de Ruac, ou l'on ne vit que de vent, portant tousiours forces soufflets, à la saintures, comme on faiët des elcarcelles en ce pays icy: mais le François pour parler sainement, veut fripper la miette, & briffer à souhait quelque temps qu'il face, ou bien, il ne dit ou ne fait rien qui vaille, & n'a non plus d'effect qu'un Balon deflé: Mais est-il plein comme vne Vese sonnante? il n'est rien de pareil? Hé quoy tousiours & sans cesse vous vous mocquerez de moy, ie m'en vay donc vous dire à Dieu, & prendre moy mesme cōgé, puis que vous ne daignez me l'octroyer? Hé M. G. pour l'amour de ce que vous aimez, ou en d'espit de ce que vous hayssiez, donnez tréue ou Paix à la guerre que vous me faiëtes: ie vous liurë la carte blanche, & me submets à tout ou

grand partie de ce que vous voudrez, pourueu
 que ie sorte soudainement de vos mains, vie, & ba-
 gues sauues? Allez ie vous le promets, pourueu,
 que me prometiez qu'à l'aduenir, Et aussi des à
 present, comme pour lors, & des lors, comme des
 à present, vous ne ferez, ny cōposerez, ou faire im-
 primer, ny composer Almanach quelcōque ré-
 ply de prediCTIONS controuuee, & de Centuries a-
 poitees, pour effrayer les peureux, & attrapper ar-
 gent comme trompeurs: Mais trop bien de pure
 & simple Calendriers pour le seruice du public,
 sans piperie aucune. Or pour l'intelligence del'E-
 pacte, qui est de cognoistre les Lunaisons, tous la
 sçauent quasi, particulièrement les hommes fuf-
 sent ils illettrez, & ce, par les reuolutions & muta-
 tions ordinaires & iournalieres qu'ils voyent &
 cognoissent chez eux en leur Spheres coiffées &
 attiffées. La Lune estant presque tousiours au
 domicile de leur maison, & plus en sa plenitude
 qu'en son croissant, ou declin, qui ne le sçait est i-
 gnorant, & qui ne le voit, est du nombre des trois
 cent, tant la chose est euidente & coustumieres en
 tous ou plusieurs lieux, touchant la lettre Domi-
 nicale. Qui est ce qu'ils ignore? les plus moindres
 & sans sçauoir, la sçauent autāt ou plus que les plus
 adroits en lecture, principalement pource que c'est
 la vueille du Dimanche, le dernier iour maigre de
 la semaine, & l'vne des deux festes, coustumiere-
 ment celebree en icelle, & particulièrement du
 mince Peuple: En ce qui est du nombre d'or, &
 la cognoissance de ceste reigle, ie ny puis auenir
 encor. C'est vn Os si haut, que ie ne le sçauois pren

dre pour le mordre & ronger. Mais ce qui me reconforte, c'est que ie ne suis pas seul. Et combien que i'aye estudié aucunement, & assez de temps en la science Euidique. Et que mes computations comptees & calculs soient tousiours en erreur; Il y en a bien d'autres, qui y sont empeschez que moy, encor qu'il taschera de piper la calbastre, & tirer le bõ bout à eux, & sans cesse adiouster soustraire, multiplier, & partir; Voire tailler, & roigner mon Oye, ou mon Iars, de peur que i'aye des plumes pour me faire vn bonnet tampionnambousien, Je ne m'en soucie pas, n'y mesme quand ils souffleroient tant qu'ils pourroient (cõme beaucoup font) dans les voilles de leurs auarices, pour entrer au minieres Indiennes, sans sortir ny perdre terre, ie sçay bien qu'au bout de leur voyage & de leur singlage (en la mer Mediterannees) il ne paruiendront iamais à la Ionique, pour y trouuer le vray & naturel Sablon? On ne descouure pas de la sorte la vraye terre Guineã ou Auphiri que à nauiger si aysément? leur bource y fait plustost naufrage que leur petit vaisseau humain, aussi tel trauail & labeure, st ordinairement sans proffit & cuillette, & mesme la semence qu'on y met ne vient iamais à perfection, ains est tousiours suiecte à la gresle ou gelee, & au lieu de bon bled, ne trouuent que de l'Yuroye, ou du grain corrompu & mauuais. Si bien que ceste science la, n'est non plus de mise bonne & certaine, que l'Astronomiolistique & Predictionnastique, s'en donne garde qui voudra, attendu l'interest, & grand preiudice qu'encores ceux qui si absorbent & engouffrent

par vne gloutonne & gourmande auarice : Mais quoy, chacū n'a pas à sa naissance pour ascendant Horescopique) la Planette de Iupiter (comme disent nos constellateurs) il y a plus de Luneaux, & Mercuriaux que d'autres, & de Saturnins, aussi, qui ne refuent, pensent, & songent, qu'à faire vne Metamorphose de leur nature, en autre tāt ils desdaignent leur qualité, comme sont Saturne , Mars , & autres qui poussez d'enuie & d'ambition temeraire, veulent desarçonner Apolon & Diane, pour s'assoier en leur lieu , & leur faire quitter place. Mais à chacun le sien, c'est le droict aussi, l'incorruptible Iustice naturelle si oppose ; & veut que chacun se tienne en son estat, sans se troubler ny quereller, ny mettre en feu & en colere, pour anticiper l'vn sur l'autre, Sur peine d'abus, de fraude, & d'amende exemplaire : En voyci vn iugement verifical, qui ne sera point hors de propos que ie croy.

*Celuy qui vent mal à propos
Du prochain troubler le repos,
Et luy rauir son heritage
Sans raison & sans equité,
A la fin il se voit traité
De blasme de honte & dommage.*

Est-ce tout, tout est-il dit, ny a il plus rien, de gras ou de maigre, à present pour nous acheuer de saouller & remplir la pance, & l'orifice de nostre estomach intelligibilifique. Nous auez vous tantost assez lessiue sauōné, lauē & relauē de pied en cap? Ny a il plus que faire, à dire, & à redire pour en faire rapport aux chamb. assendentes & dessentes,

& en auoir arrest, portant toutes deffences predictiues, sur les peines qu'on arbitrera; ouy c'est bien dit, & ce, toutesfois sans discontinuer, ny retenir le cours des bonnes & louables estudes, & non suiuie celles ou l'on apprend, ce qu'on ne peut scauoir asseurément, vrayement, & indubitabement, & aduertissez aussi le sieur Droguemar ou Droguames, de iargonner & ramager vn champ plus beau & moins lugubre qu'il n'a fait dans son dernier liure de Chançons, plaines d'Astronomenteries & predictionnelles resueries, & qu'il ne caquette plus en Pie, ou en Margot, Et qu'il ne nous vienne plus predire en Gamoriste ou Gomoriste, tant d'affreuses pauuretez & tristes calamitez, ou (pour mieux dire) desastres fantasiez, & recherchez follement dans la Caze Lunaire de ses imaginations, pour donner du Ris au cœur des vns, & de l'Eau aux yeux des autres, & sur tout des aigriottes à ceux qui notamment croient en lisant ces beaux concepts faits à plaisir, pour acquerir le renom d'unique en son scauoir Almanachiquement heretique. Et qu'il corrige avec ses disciples & partisans l'erreur de ses comptes mal dressez & articulez, & tenus en souffrance à ceste fin: Me doutant qu'en la reddition d'iceux, il y aura plus de recepte à ses despens que de mises vallables, & luy dites aussi que le Secretaire Imperial & loyal, nous en recrit bien d'autre sorte que luy, & cōbiē que ses Ephemerides soient obscures, que nous auōs Dieu merci de bons exposeurs, & leurs interpretes pour en esclarcir les obscuritez. Et que depuis l'aduene-
ment du Sauueur des Chrestiens & vray croyants,

les faux & trompeurs Oracles n'ont eu n'y ne doi-
uent auoir lieu, non plus que les abusifs aduis qui
nous desgaillardissent tous. Et partant (pour con-
clurre) qu'il face desormais sonner les cordes de
son instrument Spherial, plus ioyeusement qu'il n'a
fait, de crainte qu'on ne le face barragouyner cō-
me vn Gasmore, ou muet, & ses Escholiers pareil-
lement en pareille harmonie; A peine des peines
que ie laisse à dire, & faire, & à Dieu sans vous des-
plaire avec ses souspirs Parnassiens.

REQUESTE A DIEU,

<i>Dieu par sa toute puissance,</i>	<i>J'ay regret de voir encore</i>
<i>Preserue & garde la France</i>	<i>Que l'Hōme (en cela pecore</i>
<i>De tout triste désarroy,</i>	<i>Abusant du nom Chrestie,</i>
<i>Et par sa bonté celi que</i>	<i>S'afflige, ennue, & desole,</i>
<i>Donne un reigne pacifique</i>	<i>Pour la prediſtion ſole</i>
<i>A nostre petit grand Roy</i>	<i>D'un faux Astrologien.</i>

F I N.